

## **KOMISIJA ZA TUMAČENJE KOLEKTIVNOG UGOVORA ZA DJELATNOSTI PREDŠKOLSKOG ODGOJA I OSNOVNOG ODGOJA I OBRAZOVANJA U KANTONU SARAJEVO**

Na osnovu člana 172. Kolektivnog ugovora za djelatnosti predškolskog odgoja i osnovnog odgoja i obrazovanja ("Službene novine Kantona Sarajevo", broj: 24/22, 40/22 i 7/24 – u daljem tekstu: Kolektivni ugovor), Komisija za tumačenje Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo na 31. sjednici održanoj 19.09.2024. godine, donijela je

### **Autentično tumačenje člana 2. stav (1) tačka b) Sporazuma („Službene novine Kantona Sarajevo“, broj: 29/24)**

#### *„Član 2.*

*Strane u kolektivnom ugovoru su saglasne da će spor iz člana 1. ovog Sporazuma riješiti na način kako slijedi:*

*b) Radnicima koji su u osnovnim školama na području Kantona Sarajevo zaposleni na određeno vrijeme i koji su na dan 17.05.2024. godine zatečeni u radnom odnosu, ponuditi će se novi ugovor o radu na određeno vrijeme pod istim uslovima u skladu sa pravilnikom o radu ustanove osim u slučajevima kada Ministarstvo za odgoj i obrazovanje Kantona Sarajevo po zahtjevu škole da saglasnost da se takav ugovor ne zaključi. Ugovori na određeno vrijeme iz prethodnog stava trajat će od 01.09.2024. godine do posljednjeg dana zimskog raspusta koji se utvrđuje nastavnim kalendarom.*

Citirani dio odredbe člana 2. stav (1) tačka b) Sporazuma „radnicima“ odnosi se na sve radnike koji su u osnovnim školama na području Kantona Sarajevo zaposleni na određeno vrijeme i koji su na dan 17.05.2024. godine zatečeni u radnom odnosu.

**Odluka o autentičnom tumačenju člana 2. stav (1) tačka b) Sporazuma („Službene novine Kantona Sarajevo“, broj: 29/24) je donesena na 31. sjednici Komisije održanoj 19.09.2024. godine jednoglasno konsenzusom.**

#### **ČLANOVI KOMISIJE**

**Abid Fejzić**, predstavnik Poslodavca

**Saudin Sivro**, predstavnik Sindikata

**Seada Mulaomerović**, predstavnik Poslodavca

**Envera Šukman**, predstavnik Sindikata

**KOMISIJA ZA TUMAČENJE KOLEKTIVNOG UGOVORA ZA DJELATNOSTI  
PREDŠKOLSKOG ODGOJA I OSNOVNOG ODGOJA I OBRAZOVANJA U  
KANTONU SARAJEVO**

**MINISTARSTVO ZA ODGOJ I OBRAZOVANJE KANTONA SARAJEVO**  
**n/r ministrice**

**SAMOSTALNI SINDIKAT OSNOVNOG OBRAZOVANJA I ODGOJA FBiH -  
KANTONALNI ODBOR KANTONA SARAJEVO**  
**n/r predsjednika**

**PREDMET:** Dostava tumačenja po zahtjevu

Komisiji za tumačenje Kolektivnog ugovora za djelatnosti predškolskog odgoja i osnovnog odgoja i obrazovanja Kantona Sarajevo („Službene novine Kantona Sarajevo“, broj: 24/22, 40/22 i 7/24 - u daljem tekstu: Kolektivni ugovor) obratio se Sindikat dopisom broj: 1692/24 od 28.08.2024. godine, kao ugovorna strana Kolektivnog ugovora, vezano za zahtjev Kabineta premijera Kantona Sarajevo kojem se obratila Elma Felić, bivša radnica JU OŠ „Malta“ Sarajevo od 16.09.2024. godine koji se odnosi na tumačenje člana 2. tačka b) Sporazuma („Službene novine Kantona Sarajevo“, broj: 29/24) koji su zaključili Vlada Kantona Sarajevo i SSOOiO FBiH – Kantonalni odbor SSOOiO Kantona Sarajevo u dijelu da li se citirana tačka Sporazuma odnosi i na radnike na porodiljskom odsustvu.

U vezi s navedenim, obavještavamo Vas da je Komisija na 31. sjednici održanoj 19.09.2024. godine, donijela autentično tumačenje člana 2. stav (1) tačka b) Sporazuma („Službene novine Kantona Sarajevo“, broj: 29/24) koji su zaključili Vlada Kantona Sarajevo i SSOOiO FBiH – Kantonalni odbor SSOOiO Kantona Sarajevo, koje Vam dostavljamo u prilogu ovog akta radi dostavljanja istog podnosiocu zahtjeva za tumačenje.

Podsjećamo da je članom 172. Kolektivnog ugovora propisano da tumačenja Komisije imaju pravnu snagu i učinak ovog Kolektivnog ugovora te da je obaveza Ministarstva za odgoj i obrazovanje Kantona Sarajevo da tumačenje objavi na službenoj internet stranici Ministarstva, a obaveza Sindikata je da tumačenje objavi na službenoj internet stranici Sindikata.

S poštovanjem,

**Komisija za tumačenje Kolektivnog ugovora za  
djelatnosti predškolskog odgoja i osnovnog  
odgoja i obrazovanja u Kantonu Sarajevo, s.r.**